



Inatsisartunut ilaasortat Knud Kristiansen aamma Siverth K. Heilmann, ATASSUT

**Atuartut ineqarfiini aamma kollegiani oqummik eqqugaanikut pillugit,  
Inatsisartut suleriaasianni § 37, imm. 1 naapertorlugu apeqquteqaammut  
2012/257-imut akissuteqaat**

Asasakka Knud aamma Siverth

Apeqquteqaatissinnut ataani allassimasumut qujavunga:

*"Nunatsinni ilinniartut ineqarfii ( kolligiet, elevhjem-it) oqummik eqqugaanikut  
nutarsarneri, aserfallatsaalineqarnerilu sumut killippat?"*

*Aammalu Naalakkersuisut ajornartorsiut iliuuseqarfiginiarlugu maannamut sulinerat  
sumut killippa?"*

Apeqqutit marluk ataatsimut akissuteqarfigissavakka:

Naalakkersuisut tigussaasunik iliuuseqarsimapput oqummik ajornartorsiuteqarneq  
sumiissusersiniarlugu, Nanortalimmi aamma Uummannami, soorluttaaq nutaanik  
Aasianni aamma Nuummi sanaartukkat taartaasutut inigitinneqarallalersimasut,  
sanaartornerit ilutigisaannik kollegiat oqummik eqqugaanerisa kingunerisaannik  
matuneqartariaqartarmata.

Tamatumunnga atatillugu Naalakkersuisut kollegiat ingerlatsiviillu ingerlaavartumik  
aserfallatsaalineqarnerat tulleriarnerimmi aningaasaliiffigisarpaat, 2012-imilu  
ilinniartitaanerit ingerlatsiviini sanaartukkat annertunersaat qanoq innerinut  
nalunaarusiat malinnaatinneqarlutik.

Naalakkersuisut naatsorsuutigaat illuutit qanoq innerinut nalunaarusiornerit  
malinnaatinneqarnerinut tapiliullugu ukiunut arlaqartunut aserfallatsaaliinermut  
iluarsaaqqinnermullu pilersaarut aalajangersaavigissallugu, ilinniartitaanerit  
suliassaqarfiisa iluanni.

Naalakkersuisut assut pingaartutut isigaat ilinniagaqartut ukioqatigiiaat tamarmik  
naammaginnartunik kollegiassaqartinnissaat / ineqarfissaqartinnissaat, taamaattumillu  
aserfallatsaaliinerit, iluarsaaqqinnerit nutaanillu sanaartorneq kollegiaqarnermi  
sulissutigalugit.

Inussiarnersumik inuulluaqqusillunga

Med venlig hilsen

Palle Christiansen

22-11-2012  
Sags nr. 2012-077290  
Dok. nr. 1073692

Postboks 1029  
3900 Nuuk  
Tlf: +299 34 50 00  
Fax +299 32 20 73  
Email: lin@nanoq.gl  
www.nanoq.gl